

四庫全書

子部

欽定四庫全書

子部

石渠寶笈卷二十六

四至

詳校官中書臣吳 瓊

侍讀臣孫球覆勘

總校官編修臣王燕緒

校對官助敍臣胡予襄

謄錄監生臣任兆炯

欽定四庫全書

石渠寶笈卷二十四

貯

重華宮

列朝人書畫

書卷上等

宋蘇軾自書二頌

元趙孟頫天冠山詩帖

明文徵明書赤壁賦

明董其昌書濬路馬湖記

書卷次等

明文徵明白書詩帖

明文徵明白書詩帖

明文徵明書蘭亭序

明莫是龍供花閒語

明董其昌臨蘇軾黃庭堅帖

國朝人書畫

書卷次等

王鐸擬古帖

列朝人書畫

畫卷上等

宋徽宗五色鸚鵡圖

宋徽宗花鳥寫生

宋李成茂林遠岫圖

宋李成小寒林圖

宋祁序江山放牧圖

宋李公麟君明臣良圖

宋王诜漁村小雪圖

宋馬遠江山萬里圖

遼陳及之畫貞觀便橋會盟圖

元吳鎮夏山欲雨圖

元吳鎮清溪垂釣圖

元盛懋畫烈婦刺虎圖

明沈周寫生

明沈周寫生花鳥

明項聖謨後招隱圖



欽定四庫全書

石渠寶笈卷二十四

貯

重華宮五

列朝人

書卷上等

宋蘇軾自書二頌一卷

上等  
天一

素箋本行楷書石恪畫維摩讚魚枕冠頌二篇

款識云僕在黃岡時戲作此等語十數篇漸復忘之元祐三年八月廿九日同僚早出獨坐玉堂忽憶此二首聊復錄之翰林學士眉山蘇軾記卷前有張氏澹蟲珍秘之印半印卷後有柯九思墨印一又柯氏秘笈袁通父氏趙果正初默菴方虞抒基本初越來子圖書記虞集諸印又張氏澹蟲三吳半印二前後隔水俱有徐氏珍玩乾學二印拖尾杜本跋云東坡先生之文

之書所謂如我按指海印發光者也維摩讚其  
室中八萬四千師子座一一演說妙法未能答  
此半偈魚枕頌非鏡鎧光中所見世界耶在近  
世惟邵菴道人與之同參杜本又張雨跋云大  
慧與富公書曰如是得與究竟相應豈獨於生  
死路上得力異日再秉釣軸致君於堯舜之上  
如指諸掌耳伏觀蘇公真書二頌益信其為究  
竟此所以為蘇公歟方外張雨又楊維楨跋云

余讀蘇玉局在玉堂所寫維摩贊鯢冠頌二首  
而知是老遊戲人間世其所見卓然獨立乎造  
是物者之表雖東方曼倩號為滑稽之雄豈能  
及哉玉堂瘴海一升一沈世間以為利害禍福  
者又豈足以入其舍哉世以是老之學溺般若  
而不知般若之學不能出其文字之妙也吁維  
摩欲以無語現不二門而是老欲以橫說豎說  
現妙憲語默雖殊三昧一也故會是法者所至

為玉堂淨土不然者雖玉堂淨土惡海而已且至正三年冬十月朔鐵心道人識於錢塘湖上又王慶跋云盛宋稱文章蘇翰林當一代之雄然觀其書奏皆忠言讜議深謀遠慮為國家世道計豈居文章之下耶及其鬼蜮之謗橫逆之加朝玉堂夕嶺海而公處之泰然未嘗以死生得失累於其心是皆順受之乎天也豈真所謂有無幻化深得於禪學者哉所書維摩讚鯢冠

頌自以為錄其戲言此又嬉笑怒罵之緒餘耳  
遺墨粲然誠為世寶後之觀者當與公書所撰  
昌黎伯廟碑並參庶無惑焉鉅鹿王慶百拜書  
卷高七寸七分廣六尺四寸九分

元趙孟頫天冠山詩帖一卷

上等  
地一

素絹本行書五言絕句款識云詩二十八首率  
爾而成非有佳趣而張貞居見之反以為好裝  
絹成卷閒來索寫乃為應命云爾孟頫識下有

趙子昂氏一印通卷暨前後押縫有沐陸氏家藏書畫印寶墨樓印各五印引首有松雪遺墨

四大字卷高九寸四分廣九尺四寸九分

明文徵明書赤壁賦一卷

上等元一

素箋本行書款識云嘉靖丙辰春日閑書徵明時年八十七後有文徵明印衡山二印卷前有停雲一印卷後有夢硯樓賞鑑章璵沙珍玩二印卷高九寸廣一丈四尺四寸三分

明董其昌書濬路馬湖記一卷

上等  
黃一

朝鮮鏡光箋烏絲闌本行楷書款云賜進士出身資政大夫南京禮部尚書前禮部左侍郎兼翰林院侍讀學士詹事府少詹事掌南京翰林院事實錄副總裁經筵講官年家眷弟董其昌撰並書又記篆額及建立銜名二條又自識云路馬湖俗名駱馬湖今正之卷首有賜金園主人子孫寶之二印卷末有緼真閣圖書記子孫

永保儼齋秘玩王鴻緒印諸印通卷暨前後押  
縫有鍊雪鑑定印三蘭雪堂收藏印四又張晴  
嵐印一後隔水沈荃跋云此碑筆意極仿北海  
而亦時近李海宗伯作書每有合諸家者惟其  
神與法會變化不自知耳乙巳四月廿四日後  
學沈荃書於龍潭舟次前半印存珍玩二字卷  
高九寸三分廣一丈九尺

書卷次等

明文徵明自書詩帖一卷

次等  
天一

素箋本行草書七言律詩七首款識云庚子新正十日書舊作徵明

明文徵明白書詩帖一卷

次等  
天二

素箋本行草書各體詩未署款卷末有王揚記云衡山先生詩稿共二十四首癸巳秋日記引首曾弘篆書本色文章四大字拖尾有張魯唯董其昌王揚李孫宸諸跋

明文徵明書蘭亭序一卷

次等  
天三

素箋本款識云戊午春三月望日書徵明時年八十有九

明莫是龍供花間語一卷

次等  
地一

素箋烏絲闌本行書二段凡九則款云莫雲卿撰並書前署供花間語四字

明董其昌臨蘇軾黃庭堅帖一卷

次等  
元一

宣德鏡光箋本行書前臨蘇軾書凡五則款云

其昌書蘇子瞻語後臨黃庭堅書凡三則款云  
倣山谷書其昌

國朝人

書卷次等

王鐸擬古帖一卷

火等  
天一

素箋本臨王筠虞世南柳公權陸東之薛稷各  
帖凡五則款署孟津王鐸

列朝人

畫卷上等

宋徽宗五色鸚鵡圖一卷

上等  
天一

素絹本著色畫款題並序云五色鸚鵡來自巔  
表養之禁籞馴服可愛飛鳴自適往來於苑囿  
間方中春繁杏遍開翔翥其上雅詫容與自有  
一種態度縱目觀之宛勝圖畫因賦是詩焉天  
產乾臯此異禽遐陬來貢九重深體全五色非  
凡質惠吐多言更好音飛翥似怜毛羽貴徘徊

如飽稻粱心絅膺紺趾誠端雅為賦新篇步武  
吟後署字缺存製并二字下有押字亦微缺上鈴

御書一璽卷後有天歷之寶一璽下有商丘宋

肇審定真蹟一印前隔水有米芾畫禪烟巒如

觀明說克傳圖章用錫一印後隔水有宮保司

馬之孫大司農之章戴明說印二印卷高一尺

六寸五分廣四尺

宋徽宗花鳥寫生一卷

上等  
天二

素箋本墨畫無款凡十二段第一段杏花啼鳥  
第二段榴花畫眉第三段梔子練雀第四段木  
槿戴勝第五段雨稍立雀第六段晴篠嚶鳴第  
七段踈幹栖禽第八段叢篁鳥語第九段梅幹  
春鳩第十段古栢栖紅第十一段莎草鵲鷕第  
十二段沙鳥雙雛卷前有政和宣和二璽又梁  
清寫印常山世家元映齋藏梁清標印諸印每  
段押縫有雙螭璽共十一卷後有梁清寫印一

印卷高八寸五分廣一丈六尺三寸第一段

御題杏苑春聲四字下有乾隆宸翰幾暇怡情二璽

第二段

御題薰風鳥語四字下有翌太和一璽第三段

御題薈葛栖禽四字後有中和染翰二璽第四段

御題舜花笑日四字上有乾隆宸翰一璽第五段

御題碧玉雙栖四字下有墨雲一璽第六段

御題淇園風暖四字下有浴德漱芳潤二璽第七段

御題白頭高節四字後有絜矩涵虛朗鑑二璽第八

段

御題翠篠喧晴四字上鈐研露一璽第九段

御題踈枝喚雨四字後有比德朗潤二璽前有席上

珍一璽第十段

御題古翠嬌紅四字下有會心不遠一璽第十一段

御題原上和鳴四字下有樂天惟精惟一二璽第十

二段

御題樂意相關四字下有乾隆幾暇臨池三璽

宋李成茂林遠岫圖一卷

上等  
地二

素絹本墨畫無款姓氏見跋中卷前有天籟閣  
稿李項氏世家寶玩二印卷後有神品一印又  
安定退密半印二又九印俱漫漶不可識拖尾  
向上跋云曾祖母東平夫人實申國文靖公之  
孫樞使惠穆公之女也右李營丘成所作茂林  
遠岫圖即祖母事先曾祖金紫時奩具中小曲

屏大父少卿靖康間南渡與趙昌徐熙花攜以來今皆保藏敬書所自以詔後世嘉定乙卯歲冬至日古汴向上若冰因再裝池以示友人姚子晦徐元海夏齊卿朱仲幾劉宋儒前有退密項元汴印墨林秘玩項叔子項子京家珍藏若水軒諸印又棠村桃花源裏人家世家寶玩閣書畫記黃字封字諸半印後有寄傲墨林生西楚王孫因學齊平生真賞墨林秘玩項子京家

珍藏子孫世昌諸印又倪瓈跋云李營丘平生  
自貴重其畫不肯輕與人作故人間罕得米南  
宮至欲作無李論蓋以多不見真者也此卷林  
木蒼古山石渾然逕岸萦迴自然趣多類荆浩  
晚年合作至正乙巳六月廿日吳城盧氏樓觀  
延陵倪瓈前有邗上張鏘黃美拜觀子京桃里  
子孫永保虛朗齋項墨林鑑賞章神遊心賞諸  
印後有子京所藏項元汴印平生真賞項墨林

父秘笈之印諸印又張天駿跋云李營丘作茂  
林遠岫圖倪雲林評其有渾然天趣者也東平  
夫人之曾孫嘗識其曾祖金紫時小曲屏之具  
今觀其峯巒疊翠草木殷青舟車往還亭館森  
鬱有無限真賞良可嘉也內監吳公用誠得之  
不啻拱璧余特識之如右云時弘治三年秋八  
月廿五日也文華殿直之暇雲間張天駿前有  
子孫永保一印後有蒼巖子樵林鑑定觀其大

畧三印押縫有墨林子項子京氏淨因菴項叔  
子諸印卷高一尺四寸二分廣四尺四寸三分  
前隔水

御題詩云澹池蒼山蔚古枝惟應造物與為師何人  
著論名無李是處營丘放筆時御題上鈐幾暇  
鑑賞之璽乾隆宸翰二璽

御筆題籤籤上有乾隆宸翰一璽

宋李成小寒林圖一卷

上等  
地二

素絹本墨畫無款有宋徽宗識題李成小寒林  
圖六字卷首有乾卦半璽又半印不可識前隔  
水押縫有蕉林居士一印後隔水有蕉林梁氏  
書畫之印觀其大畧二印押縫有棠村蕉林書  
屋二印引首有棠村審定蒼巖子梁清標玉立  
氏印章二印卷高一尺二寸四分廣二尺二寸  
五分引首

御題小寒林三大字上有乾隆御筆一璽

御筆題籤籤上有乾隆宸翰一璽

宋祁序江山放牧圖一卷

上等  
元一

素絹本著色畫無款有宋徽宗籤題祁序江山  
放牧圖七字卷前有耿昭忠信公氏一字在良  
別號長白山長收藏書畫印記一印押縫有信  
公鑑定珍藏印一印又半印二漫漶不可識卷  
後有西蜀柳寅東鳳簷圖書一印押縫有半古  
軒書畫印一印又內殿珍玩一印又一印漫漶

不可識前隔水又西蜀柳寅東鳳詹圖書一印  
後隔水有珍秘宜爾子孫二印拖尾有蕉林觀  
其大畧二印卷高一尺四寸七分廣三尺七寸  
三分

宋李公麟君明臣良圖一卷

上等  
黃一

素箋本白描畫款云龍眠居士李公麟畫下有  
李龍眠記一印後有虞集題云漢業崇藩屏姬  
親重本支藉芳因割土剪葉總分珪衛叔空申

誓荆元雅好詩只云聯萼秀豈若豫章奇爪瓞  
綿何遠椒聊實在茲有蹄皆汗血無羽不長離  
公族誇隆準諸孫擅白眉銀潢雖九派玉樹已  
千枝競采春華藻爭摛月露詞五車元半摭二  
酉秘全窺帝賞東平頌人傳北海碑蕭郎能畫  
扇魏俗盛彈碁禮樂羣居講貂蟬對坐垂曳裾  
紛後乘飛蓋擁南皮處處開宮苑家家集履綦  
河間榻乍掃碣石騎先馳賦雪停蘭阪歌風侍

雁池舞筵熏瓊瑣  
瑣盃進琉璃爭旦猿啼早鳴  
陰鶴和遲佳人工妙伎才子善微辭  
並以風流命俱將意氣推未忘耽弋獵寧止應墳荒車急  
無安鞭途窮屢泣政魯丘家不遠楚服世常疑  
欲識司空鍔來尋孺子祠龍沙驚谷貿滕閣愴  
星移幸努力千秋力無煩十日期醒慙行處設書  
借枕中披旅食隨芳草鄉愁亂子規匡山雲樹  
近好與慰相思蜀郡虞集識前署頌君明臣良

三十韻八字後有蕉林觀其大畧二印卷高一  
尺一寸八分廣一丈三尺五寸六分

御筆題籤籤上有乾隆宸翰一璽

按虞集題句醍慙行處設醒字應作醴字

宋王訢漁村小雪圖一卷

上等字一

素絹本墨畫無款前隔水有宋徽宗書王訢漁

村小雪六字

王字缺 上鈐雙螭一璽

缺其半

卷尾有

商邱宋犖審定真蹟一印前隔水押縫有宣和

一璽又一印漫漶不可識後隔水押綫有政和  
璽二宣和璽一拖尾有緯蕭草堂畫記一印又  
宋犖跋云昔人云書中唐模畫中北宋得之便  
足自豪駙馬都尉王晉卿北宋中巨擘也其遺  
跡最烜赫者為烟江疊嶂圖次之為瀛山圖陳  
眉公云烟江卷舊藏王元美家余曾見於萬卷  
樓下後轉質虞山嚴氏遂如泥牛下海董文敏  
云瀛山圖在嘉禾項氏惜不戒於火已歸天上

余二十年前於棠村梁相國齋中見設色一幘  
相傳為晉卿筆恐尚未確都尉風流殆隨雲烟  
滅沒盡矣漁村小雪卷載宣和畫譜歷代藏弃  
御府鼎革時為滄州戴侍郎囂犖所得侍郎歿  
其後人求售輦下烏目山人王石谷購作枕中  
秘康熙庚辰正月山人來吳出以相誇為之叫  
絕按晉卿畫源本營邱此卷清蒼秀潤人物林  
木大類摩詰尺幅中具有雅人深致非范寬醉

許可比瘦金題字宛然璽印纍纍誠希世之珍也夫漢碑在人世畧可指數曹全碑晚出頓煥人耳目此卷得毋類是綿津山人宋犖題卷高一尺三寸八分廣六尺九寸

宋馬遠江山萬里圖

上等  
宙一

素絹本墨畫隸書款署河中馬遠卷前有傅臘龜印史鑑之章明古氏宋濂之印陳彥廉氏傳嘉薦印允公諸印卷後有燕山傅氏家藏史鑑

之印史氏日鑑堂藏侍御吳思安家珍藏金華  
宋氏景濂筆硯精良人生一樂吳越王孫墨興  
諸印又二印不可識拖尾有子中父印梅軒二  
印又俞和題識云河中馬遠重毫素愛寫江山  
千萬里上有蓬萊五色雲下有仙家幾庭戶清  
霜點作秋滿林咫尺瑤牕起烟霧蒼松吹動晚  
山橫雲峯矗矗猶堪數迢迢錦水泛雙鳬漠漠  
青天飛雪驚人間畫手非不多誰似馬公得真

趣千斤勁鐵筆力堅更有何人同出處老我披  
圖一愴然落日長歌漫為賦南渡畫家以馬遠  
為第一蓋其資稟敏拔筆力遒勁畫院中無能  
出其右者若此卷風骨挺挺如堅剛毅士人不  
敢犯者而其態度布置展閱真有萬里之趣因  
漫題短句以珍其重紫芝山人俞和識又宋濂  
跋云右宋馬遠所畫江山萬里圖蒼松奇石筆  
法神秀較之平時應制之作不啻天淵矣遠為

光寧朝畫院待詔士人稱南渡畫院中之尤者  
曰劉李馬夏則遠居其三蓋以定年數之先後  
非以其畫之優劣也余得之於勝國瑩之吳氏  
真足稱繪林至寶矣金華宋濂題記時洪武庚  
戌孟秋十日又史鑑跋云此卷乃南渡後進呈  
之作也筆法遒勁思致老到圖江山雲物之變  
泉石竹木之奇曠達高遠自元及明殆二百餘  
年不知幾經兵燹完好如初無纖毫遺缺舊藏

之騫湖朱氏朱氏蓄古書畫數十本獨於此卷  
為最每過齋頭得一展閱神情開爽佳氣襲人  
後朱氏變遷因遂歸余石田契友見過拂几開  
閱時惟秋暑覺涼風座隅石田精於六法元賞  
此為奇絕今古昔人云李成馬遠之法著意臨  
摹遙隔千里信然後學史鑑謹識又沈周跋云  
畫之淵源法從荆關以下往往縱橫不一獨於  
馬遠道逸秀拔高出當世生平所見真蹟約畧

數本此卷江山浩闊筆勢豪邁亦數本中之得意作也俞宋二公題語精確予於史明古齋頭把玩復得借歸飽閱三日始知古人用筆各有精意所寄者顧陸之法莫謂後世無傳焉後學沈周謹識又沈荃跋云畫家有南北二宗南宗則王摩詰北宗則李思訓父子而馬遠其北宗雋嗣也此卷天真豪邁筆力蕭森真如岷江春水直下瞿塘俄頃之內一瀉萬里而重巒複嶂

所在峭拔往往放意楮墨之外聚精毫芒之內  
想其盤礴時却有奏刀砉然揮斤成風之妙若  
使左思李白輩見之便當振袖灌流搔首大叫  
如置身其間也同時劉李馬夏先後齊名皆金  
題玉躞珍重尚方數百年來此卷嵬然獨存何  
異寶劍出匣古色照耀誠翰苑之異珍矣順治  
戊戌仲冬華亭沈荃漫識卷高一尺二寸五分  
廣四丈四尺四寸五分引首

御題江山萬里四大字前有德日新一璽後有乾隆

宸翰陶冶性靈二璽

御筆題籤籤上有乾隆宸翰一璽

遼陳及之畫貞觀便橋會盟圖一卷

上等  
洪一

宋箋本白描畫款識云祐申仲春中浣富沙竹

坡陳及之作上鈴竹坡及之戲作一印卷前有

蒼巖子蕉林鑑定二印卷後有蕉林玉立氏圖

書一印又一印漫漶不可識前隔水有蕉林書

屋一印引首梁清標籤書陳及之便橋會盟圖  
八字拖尾有觀其大畧蕉林收藏二印卷高一  
尺一寸五分廣三丈一尺六寸八分

元吳鎮夏山欲雨圖一卷

上等  
寬一

素絹本墨畫款識云夏山欲雨圖至正六年秋  
七月既望梅道人戲墨於西湖寓舍也下有嘉  
興吳鎮仲圭書畫記一印卷首有二泉郭畀天  
錫史氏日鑑堂藏王元美鑒賞諸印卷末有危

素之印柯九思敬仲鄭元祐印鄭明德氏諸印  
拖尾俞和題識云梅菴點筆有神助開卷颯颯  
薰風涼巨然去後無何有屈指於今獨擅長仲  
圭品格高絕有晉人風裁至於詩文繪理特其  
緒餘耳別來三載忽見畫卷不啻見仲圭也因  
題短句於左時至正丙申七月晦日紫芝山人  
俞和書後有柯九思敬仲二印又危素跋云吳  
梅菴吾之至友也有高世之行書無不讀而繪

事更精所謂魯之原憲晉之陶潛殆其儔乎予  
固愛其書而更愛其人予每有所請無不應之  
而悉佳妙就中畫卷種種入神即使王洽復起  
董巨再生亦何過焉書於卷後使梅菴見之必  
以予為知言是歲四月十有一日臨川危素又  
篆書記語元明善觀於此靜軒八字又邵寶跋  
云元季畫家不勝指屈而散漫四方唯江左為  
最若吳仲圭其一也仲圭居諸家之右獨得董

家正傳至於竹石寫生又稱妙絕所謂淡而不厭簡而文仲圭有之矣此卷今屬吾友史明古所藏觀其畫想其人固可重而人尤足重後之覽者若止以畫視之其亦淺之乎知仲圭矣二泉邵寶又記語有松陵史氏家藏之寶八字卷高一尺四寸七分廣一丈四尺一寸五分前隔

水

御題詩云夏山欲雨雲先凝曉靄乍失峰嶮嶒幽人

杖策獨歸去已濕綠荷衣上層我時望雨經春  
半披圖聊慰賦雲漢見說蛟龍筆底飛繪水有  
聲茲豈但叶起視空宇明星爛掩卷無言祇三  
嘆御題下有乾隆宸翰得句因新意二璽

御筆題箋箋上有乾隆宸翰一璽

元吳鎮清溪垂釣圖一卷上等

荒二

宋箋本墨畫款識云至正二年夏六月梅花道  
人戲墨後有梅花菴嘉興吳鎮仲圭書畫記二

印卷前有子壽劉氏廷美金氏元玉韓士能印  
張則之黃姬水印諸印卷後有青松白玉王履  
吉印于思緝印楊氏家藏諸印拖尾有金氏元  
玉黃姬水印韓士能印三印又王士熙題云蒹  
葭渺無際遠水接平川閒雲曳歸鳥影落鏡中  
天若人載書畫彷彿米家船遵彼灌木陰對此  
佳山前誰能結鷗社忘機終淡然至正三年秋  
七月題擁翠山人王士熙又王紱題云春雲作

陰知幾日春雨連朝疎更密浦樹含滋山氣昏  
杜若生香溪水溢霏微潤物聽無聲霖霖如膏  
似有情多處人家踰冷節幾村榆柳變清明山  
塘路轉林亭側賈舶漁艇盡停息鵠鳩聲歇鷗  
鶴啼滑滑深泥行不得東山癡客興尤佳冒雨  
從容立水涯短屐緣溪粘碧蘚飛蓋張油映綠  
槐浮漚滿汀波不起喚得渡邊舟欲艤應過隔  
岸野人家相約晴來看桃李聞說高人住處清

餉春耕九龍山人王綏又于思緝題云江雲漠

漠曉寒生出戶行吟傍冰行沙鳥底緣棲不定

背人飛過柳邊鳴黃葉西風古屋秋雪溪南去

記曾遊年來為減尋詩興常對青山憊下樓洪

武十年秋九月錢塘于思緝又董其昌跋云元

時梅花道人與盛子昭俱工畫望衡對宇求子

昭繪者屢相接梅花道人之居間如也子弟以

為言梅花道人曰侍之二十年及二十年盛氏  
之門亦闢如而梅花之名始振至今稱四大家  
此卷乃其得意時筆蒼勁有董巨遺意昔沈啓  
南先生云梅花菴裏客端的是吾師信然丙寅  
夏五董其昌識卷高一尺五寸八分廣一丈三  
尺前隔水

御題云一江春水如油綠滿目春山看不足春水春  
山共我三南華二篇不須讀渟淵清泚猶堪掬

聊把絲竿寄幽獨扁舟不繫任去來誰與為羣  
鷗鷺驚鶩頗知水清本無魚亦令人識求緣木乾  
隆庚申中秋後一日御題下有稽古右文之璽

乾隆宸翰二璽

御筆題籤籤上有乾隆宸翰一璽

元盛懋畫烈婦刺虎圖一卷

上等  
目一

素絹本著色畫款識云至正七年錢塘盛懋畫  
烈婦刺虎圖下有子昭一印卷前有延陵吳氏

家藏莊氏珍藏澹菴鑑賞徐氏元玉諸印卷末  
有延陵吳氏家藏宋克二印施尾錢鼒題云客  
車何煌煌夫挽婦為推問君將安去言往耒陽  
戍官車有程宿車下夜半可憐逢猛虎夫命懸  
虎口婦怒髮指天十步之內血相濺夫難再得  
虎可前寧與夫死母與虎生呼兒取刀力與爭  
虎死夫活心始平男兒節義有如此萬歲千秋  
可以奉明主馮婦卞莊安足數彭城錢鼒書前

署烈婦行三字有延陵吳氏珍藏一印又宋廣跋云盛子昭作畫大率工緻細密而此烈婦圖尤其合作者越中少年不勝家鷄之賤余得其片楮未嘗不磅礴竟日也具眼者宜珍重之桐柏山人宋廣題於維揚舟次卷高七寸九分廣二尺七寸八分

明沈周寫生一卷

上等  
月一

素箋本墨畫凡二十四段第一段牡丹題云不

須千萬朵一柄足春風第二段梔子題云花如  
白玉刻香過紫沉清第三段芙蓉題云不得春  
風力何曾怨後開第四段山茶題云一紅深雪  
裏補淡與梅花第五段石榴題云看他開口處  
笑落盡珠璣第六段枇杷題云從來金剋木何  
事壓枝黃第七段柿題云蜜漿包火齊思然渴  
文園第八段蓮藕題云碧房藏玉蛹瓊腕雪冰  
絲第九段瓜題云遺種蔓天下無人念故侯第

十段紫茄題云紫包初摘露僧吻欲流泉第十

一段菜菔題云拔出金城玉凝酥帶土膏第十

二段水晶葱題云叢藜翡翠葉濯濯水晶根第

十三段新筍題云錦綯初茁頭角已崢嶸第

十四段山藥題云托根知紫塞拔地出金莖第

十五段菱角題云刺波雙角銳剥玉一鈎涼第

十六段茭白題云新臺一尺玉風味說吳鄉第

十七段王瓜題云四月南風裏高棚摘墮瓊第

十八段雲薹菜題云老夫諳至味絕勝爛蒸羊  
第十九段鴟鴞題云本是高飛物多言每受籠  
第二十段雙鳩題云恩情薄離合夫婦雨晴中  
第二十一段蠟嘴題云嘴痕黃可愛猶帶蜜脾  
香第二十二段鷄題云曙光三唱裏心事五更  
人第二十三段鴨題云甫里舊遊地碧闌烟水  
東第二十四段兔題云世人空碌碌無人知卯  
君每段題句下俱有啟南一印又自跋云凡花

者葉者果者蓏者飛者走者舉圓於化工非人  
力所能效矣可學王君強余筆墨以置其像其  
說猶捕風捉影余何能哉余與可學交二十餘  
年各及老日而再見於今茲情有不可拒故強  
其所不能也弘治甲寅歲沈周跋後有沈啓南  
氏白石翁二印前有煮石亭一印卷高一尺三  
分廣三丈六尺一寸三分引首

御題筆參造化四大字款署乾隆御筆上有乾隆御

筆一璽

御筆題籤上有乾隆宸翰一璽

明沈周寫生花鳥一卷

上等  
月二

素箋本墨畫凡十三則款識云弘治庚申十月  
戲寫於有竹莊長洲沈周下有石田沈氏啟南  
二印卷前有明古珍藏子孫保之二印卷後有  
秋水閣錢氏珍藏一印拖尾董其昌跋云沈啟  
南徵君寫生為一時之冠陳白陽王酉室諸公

疊乎其後矣此數種尤有生意不可不寶其昌識卷高一尺三寸六分廣一丈一尺九分

御筆題籤籤上有乾隆宸翰一璽

明項聖謨後招隱圖一卷

上等 盒一

素絹本著色畫卷末款云項聖謨製卷首隸書署後招隱圖四字卷高一尺一分廣二丈四尺

一寸

石渠寶笈卷二十四

欽定四庫全書

石渠寶笈卷二十五

貯

重華宮

列朝人書畫

畫卷次等

晉戴逵剡山圖

六朝陸探微五岳圖

唐李思訓海天落照圖

五代周文矩仙姬文會圖

宋徽宗翠竹雙禽圖

宋董源山口待渡圖

宋郭熙開山積雪圖

宋米芾山水

宋王诜烟江疊嶂圖

宋趙伯駒江山秋色圖

宋劉松年香山九老圖

宋馬遠千巖競秀圖

宋馬麟荷鄉清夏圖

宋陳居中文姬觀獵圖

宋方椿年瑤池獻壽圖

元錢選寫生

元商琦春山圖

元黃公望仿巨然溪山暖翠圖

元王振鵬畫魯恭三異圖

明沈周雪景

明沈周倣李晞古山水

明仇英清明上河圖

明仇英山水

明常倫草蟲

無名氏書畫

畫卷上等

宋人江帆山市圖

國朝人書畫

畫卷上等

王原祁秋山不老圖

畫院漢宮春曉圖

余省百蝶圖

畫卷次等

王翬長江萬里圖

王原祁西湖十景圖

王原祁西湖十景圖

宋駿業繪南巡圖

蔣廷錫花果寫生

張鵬翀秋來讀書圖

董邦達萬壑松風圖

沈源清明上河圖

院本十八學士圖

院本漢宮春曉圖

列朝人書畫

書畫合卷上等

元趙孟頫畫箕子授書圖並書洪範

元趙孟頫書九歌並繪圖

明文徵明踈林淺水圖並自書詩帖

書畫合卷次等

元趙孟頫書畫陶潛遺事

明文徵明盤谷圖並書叙

欽定四庫全書

石渠寶笈卷二十五

貯

重華宮六

列朝人

畫卷次等

晉戴逵剡山圖一卷次等

素絹本著色畫款署山陰戴逵卷前上方有宋

徽宗橫書標題並押字上銓御書一壘施尾有  
蘓軒張載楊維禎諸跋又鄧文原楊士奇題句

二杜時復記語一前鬲水

皇帝青宮時題詩云山川靈秀數江南伊人小隱為  
結菴竹籬茆舍頗自適雲容水態曾相諳老松  
落落蟠翠色高峰矗矗烘朝嵐興來掃筆作長  
幅故知邱壑性所耽三徑雖閑人跡絕先生杖  
策獨幽探何須抱琴誇逸致個中妙趣誰能參

長春居士題下有寶親王寶一璽前有芝蘭室  
一璽

六朝陸探微五岳圖一卷

次等  
地一

素絹夾著色畫無款姓名見跋中第一段華山

第二段恒山第三段泰山第四段衡山第五段

嵩山上有宋徽宗記語一每段上有橫書標題

亦徽宗筆每段隔水有祝允明補書王羲之五

岳賦並自跋一則引首有吳永年草書五岳圖

三大字拖尾有蔡京王黼吳履泰徐知常徐師  
回盛章米友仁危素諸人題名並記語又明宣  
宗跋一李廷貴跋一

唐李思訓海天落照圖一卷次等

元一

素絹本著色畫金書款云左武衛駙騎大將軍  
李思訓畫後隔水有沈荃跋一引首有篆書海  
若奇觀四大字拖尾有鮮于樞書海賦並記語  
又錢用時跋一史必書諸人記語一

五代周文矩仙姬文會圖一卷

次等黃一

素絹本著色畫隸書款識云治平三年丙午周文矩畫拖尾有虞集俞和題句二沈度跋一

宋徽宗翠竹雙禽圖一卷

次等黃一

素絹本著色畫款識云崇寧甲申歲宣和殿製  
下有押字一上銓御書一璽拖尾有趙孟頫柯九思許初諸跋宋濂徐有貞題句二釋良琦記

語一前隔水

皇帝青宮時題詩云兩兩珍禽翠羽修綠雲深處舞  
風流筆端多少江南意何事終成塞北遊長春

居士題下有寶親王寶一璽

宋董源山口待渡圖

次等  
宙一

素絹本著色畫無款引首有董其昌書董北苑  
夏景山口待渡圖真蹟十二字並跋拖尾有柯  
九思跋一又虞集李泂雅琥諸題句

宋郭熙關山積雪圖一卷

次等  
洪一

素絹本著色畫無款姓氏見跋中拖尾有周遜  
夫跋又跋一款署叔益又李洞周密張紳宋燧  
諸題句龔璗諸人記語一引首

皇帝青宮時題詩云層巒積翠數千里磴道盤空連  
玉壘鈴馱霜風得得行長途跋涉間關裏世人  
馳利未肯休風捲塵沙落馬頭河陽一幅炎涼  
景不徒妙筆誇風流甲寅夏六月寶親王長春  
居士題下有寶親王寶鳶飛魚躍二璽前有芝

蘭室一璽又梁詩正題句一

宋米芾雲山一卷

次等荒一

素箋本墨畫款識云元符已卯暮春無事坐雨  
海岱樓遙望烟江渺茫雲山重疊草木蒙茸人  
家隱見恍然會心乘興潑墨成此米芾拖尾有  
柳貫柯九思跋二許顛題句一前隔水

皇帝青宮時題詩云雲氣濛濛暗遠天人家微辨水  
雲邊渡頭風靜颯無力溪尾春歸浪有烟雁塔

平臨千畝外雉樓高踞兩峯前瀟湘雨意憑誰識座上猶疑對老顛寶親王長春居士題下有

寶親王寶長春居士二璽前有芝蘭室一璽

宋王詵烟江疊嶂圖一卷次等

日一

素絹本著色畫無款前隔水有宋徽宗籤題王詵烟江疊嶂圖七字拖尾有姚邦敬題句一宋濂跋一黎民表記語一

宋趙伯駒江山秋色圖一卷次等

月一

素絹本著色畫無款姓氏見跋中拖尾有明太祖跋語一

宋劉松年香山九老圖一卷次盈等

素絹本著色畫款署劉松年拖尾有劉定之題  
句一康里巎危素吳奕三跋宋濂陸師道記語

二

宋馬遠千巖競秀圖一卷次昇等

素絹本著色畫款云臣馬遠進引首有隸書十

巖競秀四大字拖尾有題句一未署名

宋馬麟荷鄉清夏圖一卷

次等  
辰一

素絹本著色畫款署臣馬麟拖尾有高士奇跋

一

按士奇跋中作馬遠誤

宋陳居中文姬觀獵圖一卷

次等  
列一

素絹本著色畫無款姓氏見跋中拖尾有鄧文

原楊泰二跋

宋方椿年瑤池獻壽圖一卷次等

列一

素絹本泥金畫款識云紹定二年春畫院方椿  
年造

元錢選寫生一卷

次等

素絹本著色畫款署舜舉錢選拖尾有貢師泰  
袁桷宋燧沈周諸跋又林洪題句一

元商琦春山圖一卷

次等

素絹本著色畫款署曹南商琦德符

元黃公望仿巨然溪山暖翠圖一卷

次等  
來一

素絹本著色畫款識云至正八年長至後二日  
大癡老人寫於毘陵寓舍前隸書署溪山暖翠  
四字拖尾有楊維楨倪瓈僧澈范允臨諸跋

元王振鵬畫魯恭三異圖一卷

次等  
暑一

素絹本著色畫款云孤雲處士王振鵬造拖尾  
有楊士奇鼎大年二跋又邱濬題句一前隔水  
皇帝青宮時題詩云漢室多賢吏披圖識魯公一方

霑惠澤三異仰高風為寫循良貌非誇渲染工  
監門馳繪幅此意得母同長春居士題下有寶  
親王寶長春居士二璽前有隨安室一璽

明沈周雪景一卷

次等  
往一

素箋本著色畫後別幅款題云大峯小峯銀削  
成千樹萬樹瑤華明流泉落澗半作冰溪路漫  
滅坳崖平招提深入雲幾重隱者茅廬門畫局  
烟火寂寥雞不鳴林間鳥雀寂無聲野橋瘦馬

客獨行是似浩然來灞陵兩肩山聳破帽傾嚙  
寒不吟風骨清拔圖動我探梅情飄然欲結幽  
人盟歌聲激烈清簷楹夜深飛夢入蓬瀛十二  
瓊樓玉作成長洲沈周

明沈周倣李晞古山水一卷

次等  
往二

素箋本墨畫款題云竹杖綸巾白苧袍松蘿深  
處足遊遨倦來坐石青雲起泉壑翻疑漲雪濤  
弘治己酉清和月漫仿李晞古筆沈周

明仇英清明上河圖一卷

秋一

素絹本著色畫欸云吳門仇英實父摹宋張擇  
端筆拖尾有文徵明記一王守許初彭年陸師  
道諸題句又陸榮記語一文嘉跋一引首梁詩

正書

皇帝青宮時題詩云大禹敷水土導河過龍門滻決  
萬里間卓為羣瀆尊流經積石走函谷東過洛  
汭統甸服土中自古稱雄都襟帶山河雄地軸

維昔宣和全盛時寒食初過一百六淡烟輕雨  
清明天踏青歲歲侈華屋華屋朱樓金闕隈千  
門萬戶天邊開飛花香滿宜春苑稱觴獻壽柏  
梁臺珮響千官入山呼萬乘來簪裾艷文藻雲  
漢儼昭回梯航萬里至輜輶日中市綺縠揚粉  
褂連袂如雲起柳陰暗沙堤花光明御水寶蓋  
蔡京車高牙童貫里中樞甲第起崇墉相國高  
堂列鼓鐘道君禮樂三千盛辱國山川百二重

春入上林迎旭日雲開水殿躍飛龍龍樓鳳閣  
相輝映山城鼓吹春遊盛春遊處處多貴臣青  
騁駒駒車鄰鄰明月樓中邀上客紫薇花下宴  
嘉賓滿堂珠履珍羞錯從容欵曲金蘭親斜陽  
返照天欲暮汴水橋邊車馬度橋邊街市何喧  
闐萬貨千商夾道路路旁桃李紛芳菲遊人雜  
還白馬肥朝催玉勒花間去暮拂金鞭柳岸歸  
頗厭錦繡服新裁白紵衣劇孟風未峻郭解力

猶微平生但言憑義氣捨身許友未覺非郊畿  
靄靄帶晴雲稻田桑圃望中分村墟景象多幽  
趣點綴蚩蚩忘帝助婦子嬉無節長幼畧無文  
常樂昇平烽火息灞陵閒却故將軍柳堤遊客  
艤船待一棹輕移山勢改嫣紅粉白夾岸嬌蘭  
橈畫舫中流在中流競渡各紛馳渡口漁磯疊  
石為更有一川風景別身在蓬萊自不知蓬萊  
宮殿何繁華瑤島瓊臺入坐賒仙人爐煉長生

藥羽客丹成九轉砂靈素作安期遺我棗如瓜  
驅山走海丹青變筆底烟雲紙上見神思妙藝  
出清新偶然展軸驚萬人巧贍奪天工結構含  
精氣遠過顧虎頭不數陸仙尉仇子此卷何為  
哉燕雀嬉嬉畫裏來驅鄰自名強鄰侮繁華侈  
泰禍之媒牛車俛首受縛去冰天雪窖嗟徘徊  
即今歌舞地花發為誰開空畠遺跡在荒弔費  
詩才寶親王長春居士題用唐駱賓王帝京篇

韻下有寶親王寶染翰二璽前有樂善堂一璽  
後署梁詩正謹書

明仇英山水一卷

次等  
秋二

素絹本著色畫欸云仇英實父製拖尾有唐寅  
文徵明祝允明許初諸題句引首

皇帝青宮時題詩云藝苑曾誇渲染奇霜綃獨此見  
丰姿晴嵐開處春如繡麗景傳來畫是詩忽訝  
人間遊閬苑還疑几上對峨嵋明窗展玩饒清

趣彷彿仙風五兩吹甲寅暢月寶親王長春居士題下有寶親王寶長春居士二璽前有芝蘭室一璽

明常倫草蟲一卷

次等  
收一

素箋本墨畫款云八十老人二華倫拖尾有僧智舷曹谷二跋

無名氏

畫卷上等

宋人江帆山市圖一卷

上等

素箋本著色畫卷前有寶繪之印一印又一印  
漫漶不可識又司印半印卷後有紹興聯璽又  
吳挺之印長安二印前押縫有新字項元汴印  
二印後押縫有汝恒吳新宇珍藏印二印卷高  
八寸九分廣一尺三寸六分

國朝人

畫卷上等

王原祁秋山不老圖一卷上等

素絹本著色畫款云侍讀臣王原祁奉

勅恭畫下有臣原祁一印卷高一尺二寸六分廣一大

八尺四寸五分

畫院漢宮春曉圖一卷上等

地一

素絹本著色畫款識云乾隆十年臣金昆臣盧

湛臣程志道臣吳桂奉

勅合筆恭畫下有金昆連印卷高一尺一寸六分廣

一丈八尺六寸三分

余省百蝶圖一卷

上等元一

素絹本著色畫款識云乾隆十年七月臣余省  
恭畫下有余省聯印卷高一尺一寸一分廣七  
尺八寸六分卷首

御題詩云翩翾錦繡叢妓栩玻璃影無色香常住消  
得忙中靜御題下有乾隆御筆一璽

畫卷次等

王翬長江萬里圖一卷

次等  
天一

素絹本著色畫款云撫燕文貴長江萬里圖海

虞石谷子王翬

王原祁西湖十景圖一卷

次等  
地一

素絹本著色畫分段泥金書標題款云日講官

起居注翰林院侍讀學士臣王原祁奉

勅恭畫

王原祁西湖十景圖一卷

次等  
地二

素絹本墨畫分段標題欵云日講官起居注翰  
林院侍讀學士臣王原祁奉

勅恭畫

宋駿業繪南巡圖一卷次等

素絹本著色畫

聖祖仁皇帝翠華南幸事實欵云臣宋駿業恭畫

蔣廷錫花果寫生一卷次等

宣德箋本著色畫凡二段第一段佛手柑第二

段荷花款署臣蔣廷錫畫前俱有

聖祖仁皇帝御書題句第一段題云生綠熟黃却有因  
清香八闌昔呈珍似開貝葉瞿曇手妙合華陰  
仙掌垠驛路不傳為異物民風自感得楓宸畫  
圖尺素分枝幹莫使他鄉憶海濱後署佛手二字  
下有康熙宸翰保合太和二璽前有佩文齋  
一璽第二段題云數畝芳塘花未開荷珠清露  
落莓苔雨涼翡翠搖歌扇風弄蜻蜓惹蕊堆綰

燕舞吟鶯來炎天還似去春回葛衣日暮絲絲  
冷丹檻泉聲處處催後署擎葢荷珠調鷓鴣天  
八字下有體元主人萬幾餘暇二璽前有日鏡  
雲伸一璽

張鵬翀秋林讀書圖一卷次等  
字一

素箋本著色畫款題云古來天縱號文宣讀易  
猶令鐵柵穿好學

聖心真不厭清秋幾暇正窮研乾隆九年甲子秋日

臣張鵬翀恭畫前署秋林讀書圖五字卷前  
御題詩云前席曾聞室號宣肯教揚子歎袍穿偶將  
繪事酌清問也道經書在說研御題下有乾隆  
宸翰一璽

董邦達萬壑松風圖一卷次等

宣德箋本墨畫欵云臣董邦達恭畫

董邦達千竿竹雨圖一卷次等

宣德箋本墨畫欵云臣董邦達恭畫

沈源清明上河圖一卷

次等洪一

素箋本淡著色畫款云臣沈源恭畫

院本十八學士圖一卷

次等荒一

素絹本著色畫款識云乾隆辛酉年十二月

臣

孫祐周鯢丁觀鵬奉

勅恭畫前隔水

御題詩云當年盛事記登瀛傳說芬疑齒頰生自是

玉堂無俗客不須金馬羨仙卿木天河劍從攜

倡禁地琴書許暢情同有雄才誇博雅十思誰繼魏元成乾隆壬戌夏五月御題臣梁詩正敬書

院本漢宮春曉圖一卷次等

日一

素絹本著色畫款識云乾隆六年長至月臣孫祐周鯤丁觀鵬奉

勅恭畫

列朝人

書畫合卷上等

元趙孟頫畫箕子授書圖並書洪範一卷上等  
素箋本白描畫小楷書款云吳興趙孟頫畫并  
書後有趙氏子昂松雪齋趙孟頫印諸印卷前  
有天籟閣神遊心賞項墨林父祕笈之印諸印  
卷後有子京墨林子墨林外史元汴之印項子  
京家珍藏諸印施尾文徵明跋云右趙文敏公  
書尚書洪範一篇並畫箕子武王授受之意為

圖畫既古雅而小楷精絕殆無遺恨但無歲月可考憶嘗見公所書莊子馬蹄篇乃初被召為兵部郎中時書其筆意與此正同疑此亦當時之作維公以亡宋公族仕於維新之朝議者每以為恨然武王伐紂箕子為紂至親既受其封而復授之以道千載之下不以為非然則公獨不得引以自蓋乎公素精尚書嘗為之集註今皆不書而獨書此篇不可謂無意也崦西徐公

舊藏此卷間以示余為著此以備折衷公以為  
何如嘉靖乙未八月文徵明書前有神遊心賞  
墨林外史項元汴印諸印後有文彭之印虛朗  
齋墨林子墨林秘玩項氏子京項墨林父秘笈  
之印諸印卷高一尺二寸九分廣二尺二寸七分

元趙孟頫書九歌並繪圖一卷上卷

下卷

素絹本行楷書白描畫書畫相間卷後款識云  
延祐六年四月十八日畫並書于昂又自跋云

九歌屈子之所作也忠以事君而君或不見信而反踈然其忠憤有不能自己故假神人以寓厥意觀其末章則顯然昭然矣夏七提領有感於心命其子德俊持此卷圖其狀意懇懇也故揆閒一一畫之以酌之然不能果中提領之目否因重識之是年四月晦日也孟頫書於鷗波亭中下有趙氏子昂松雪齋二印卷中每段俱有趙氏子昂一印卷首署九歌圖三字下有劉

徳新記云靈均之賦天問文生於畫松雪之圖  
九歌又畫生於文乃知文心畫心正在風水相  
遭之際耳甲寅秋日石瘦子裕公劉徳新記前  
有鄭樸之印蘭亭居士鑑賞二印又學士印半  
印又半印二不可識卷末有王霽字家珍藏柯  
氏清玩柯九思鑑定真蹟三印又汪氏蔣印半  
印二又半印不可識卷高一尺一寸一分廣二

丈二寸有奇

明文徵明疎林淺水圖并自書詩帖一卷地上等

地一

宣德箋本前幅墨畫款識云嘉靖庚子秋八月  
十又八日南衡侍御過訪草堂寫此奉贈徵明  
下有徵明一印又橫浦絕妙臣有書畫癖諸印  
後幅行書五七言律詩十七首款云近作數首  
書似南衡先生請教徵明頓首上後有文徵明  
印晤言室印玉磬山房諸印前幅高八寸廣三  
尺七寸後幅高同廣一大四尺二寸四分

書畫合卷次等

元趙孟頫書畫陶潛遺事一卷

次等  
天一

素絹本行草書墨畫書畫相間凡十五段款識  
云大德三年五月廿二日畫子昂引首虞集書  
靖節先生遺事六大字拖尾有石清跋一

明文徵明盤谷圖并書叙一卷

次等  
地一

前幅素箋本墨畫未署款後幅金粟箋烏絲闌  
本小楷書送李愿歸盤谷叙款識云徵明書時

年八十有四

石渠寶笈卷二十五

欽定四庫全書

石渠寶笈卷二十六

貯

董華宮

列朝人書畫

書軸上等

明董其昌書座右銘

書軸次等

明文徵明書七言律詩

國朝人書畫

書軸次等

勵杜訥書冒雨尋菊序

列朝人書畫

書軸上等

唐韓幹猿馬圖

宋徽宗梨花

宋李成寒林平野圖

宋馬和之荷亭納涼圖

元唐棣霜浦歸漁圖

元黃公望洞庭奇峯圖

元王蒙秋山蕭寺圖

元王蒙林泉清趣圖

元王蒙花溪漁隱圖

元王蒙谷口春耕圖

元倪瓈溪亭山色

元倪瓈古木竹石

元倪瓈秋樹筠石

元盛懋春塘禽樂圖

元曹知白貞松白雪軒圖

元曹知白疎林亭子

元陸廣仙山樓觀

明宋克鸞尾清風圖

明商祚秋葵圖

明沈周疏筍寫生

明沈周花下睡鶯圖

明沈周畫郭素圖

明沈周雙鳥在樹圖

明沈周畫枇杷

明唐寅寫春風第一枝

明唐寅葑田行犢圖

明仇英水仙蠟梅

明文徵明倣雲林松石

明文徵明空林落葉圖

明文徵明古石喬柯圖

明文徵明疎林茆屋圖

明文徵明歲寒三友圖

明文徵明茂松清泉圖

明文徵明溪亭客話

明錢穀松陰趺坐圖

明陸治雙鳩紅雨圖

明項聖謨山水

明李紹箕谿山訪隱圖

明丁雲鵬東山圖

明董其昌倣倪瓈山陰邱壑圖

明董其昌倣倪瓈筆意

畫軸次等

宋徽宗杏花鸚鵡圖

宋徽宗荔枝圖

宋范寬谿山行旅圖

宋郭熙峩眉雪霽圖

宋崔白竹鷗圖

元趙雍秋原駿馬圖

元王蒙丹臺春曉圖

元王蒙松壑樓居圖

元吳鎮雙松圖

明邊景昭百喜圖

明倪端山水

明沈周仙桃圖

明呂紀蘆汀來雁圖

明呂紀秋鶩芙蓉圖

明袁靖卽溪山小景

無名氏書畫

畫軸上等

宋人松陰訪隱圖

元人訪米氏雲山

刻絲畫軸上等附

山水圖

羣仙慶壽圖

仙妹獻瑞圖

繡絲畫上等附

丹鳳朝陽圖

畫軸次等

唐人文會圖

宋人折檻圖

宋人畫鷹

宋人貸郎圖

宋人寒汀蘆雁圖

宋人溪山初雪圖

元人花鳥

元人射雁圖

明人望海樓圖

欽定四庫全書

石渠寶笈卷二十六

貯

重華宮七

列朝人

書軸上等

明董其昌書座右銘一軸

上等  
天一

宣德篆本楷書款署其昌下有大宗伯印一印

軸高四尺一寸二分廣一尺六寸七分

書軸次等

明文徵明書七言律詩一軸次等

素箋本行書欵署徵明

國朝人

書軸次等

勵杜訥書冒雨尋菊序一軸

次等  
天一

素綾本行書欵署勵杜訥

列朝人

畫軸上等

唐韓幹猿馬圖一軸

上等  
天一

素絹本著色畫無款右方上有宋徽宗書唐韓幹筆四字上鈐緝熙殿寶一璽右方上有御書一璽軸高四尺二寸六分廣一尺五寸

宋徽宗梨花一軸

上等  
地一

素箋本著色畫無款左方中有癸亥御書之寶

二璽右方下有高士竒一印軸高二尺四寸七分廣一尺二寸八分

宋李成寒林平野圖一軸上等元一

素絹本墨畫無款右方上有宋徽宗書李成寒林平野六字前有御書半璽下方有宣和一璽左方下有柯九思墨印一又柯氏秘笈一印軸高四尺三寸廣二尺一寸五分

宋馬和之荷亭納爽圖一軸上等黃一

素箋本著色畫款署和之右方上有寄傲黃山  
吳氏二印下有鐵笛道人金華宋氏景濂古歛  
世家三印左方上有浦江旌表孝義鄭氏一印  
下有張雨私印喬簪成氏王永寧印三印軸高  
一尺八寸廣一尺二寸二分

元唐棣霜浦歸漁圖一軸

上等  
字一

素絹本淡著色畫款識云至元又戊寅冬十一  
月吳興唐棣子華作下有唐棣唐氏子華二印

右方下有司印半印左方下有蒼嵒蕉林居士  
二印軸高四尺五寸廣二尺七寸七分

御筆題籤籤上有乾隆宸翰一璽

元黃公望洞庭奇峯圖一軸上等  
由一

素箋本墨畫款識云至正甲午七月十日大癡  
道人黃公望為劖菴梅中翰作下有黃公望印  
子久二印前有一峯主人一印後有沈度題云  
五湖三萬六千頃擁出兩山真勝境復有奇峯

七十二一一摩空凌倒景琪花的的璫芝殷洞  
天林屋非凡間毛公壇上結仙觀只許仙人常  
往還一峯黃君有仙骨長年住此神仙窟爐中  
煉就九還丹丹光炯炯明如日梅生乃是仙尉  
孫事師來來經幾春黃君有道通儒術生能受  
教超齊民生絍一幅鮫人織興來亂灑金壺墨  
須臾幻出山水圖波瀾漫山突兀洞庭之境  
存微茫畫圖雖短意趣長懸懸遂作梅生贈示

之遠久誠難忘一峯羽化不可即梅生復作泉  
臺客圖傳令子與賢孫百世珍藏猶什襲賢孫  
示我求長吟展觀令人生嘵心黃兮梅兮有令  
古惟有湖山無古今永樂八年二月五日雲間  
沈度書又文徵明跋云黃一峯為梅中翰所作  
山水其用筆高古紙墨若新真希世之珍也余  
雖癖野所見者不下數幅皆莊重有餘而逸韻  
或減此幅可謂兼得之矣正德庚午五月既望

後學文璧上方有天籟閣墨林秘玩宮保世家  
諸印右方下有神品項子京家珍藏二印左方  
下有子京墨林秘玩二印又梅印玉堂學士之  
章半印二軸高三尺七寸六分廣一尺六寸  
御筆題籤籤上有乾隆宸翰一璽

元王蒙秋山蕭寺圖一軸

上等洪一

素箋本墨畫款識云至正壬寅秋七月吳興王  
蒙在~~之~~草居為復雷鍊師畫下有王蒙印一印

右方上有真賞一印下有琴書堂都尉耿信公  
書畫之章宜爾子孫諸印左方上有丹誠一印  
下有晴雲書屋珍藏珍玩公字信公真賞會侯  
珍藏程邃諸印軸高四尺四寸三分廣一尺二  
寸上方

御題詩云秋山作四鄰蕭寺枕嶙峋愛此無中色留  
將幻裏真蒼松原不老碧水自離塵驢背獨歸  
客何如蓮社人御題下有乾隆宸翰幾暇臨池

二璽

御筆題籤籤上有乾隆宸翰一璽

元王蒙林泉清趣圖一軸

上等  
洪二

素箋本墨畫款題云溪藤潔白墨淋漓

缺出新

圖亦自奇曲磵小隄橫畧

缺

長林修竹隱茅茨

抱琴童子行來緩引鶴高人步去遲衆詫老夫

能寫意賞音相見必題詩

缺

得予此圖復需四

韻如上蓋欲遍求士林羣和之以輝蓬草予喜

其好事故不拒其請云至正六年九月望黃鶴  
山人寫時年七十有五下有王蒙印香谷居士  
二印前篆書署林泉缺趣四字右方上有項元  
汴印子京父印淨因菴主三印下有王時敏印  
一印又一印漫漶不可識左方上有天籟閣一  
印下有項墨林父祕笈之印一印詩塘記語有  
王蒙真跡王鐸觀七字軸高三尺二寸八分廣  
一尺二寸四分

元王蒙花溪漁隱圖一軸

上等  
洪三

素箋本墨畫款題云禦兒西畔雲溪頭兩岸桃花流水流東老共酣千日酒西施同泛五湖舟少年豪俠知誰在白髮煙波得自由萬古榮華如一夢笑將青眼對沙鷗黃鶴山中樵者王蒙敬為玉泉尊舅畫並賦詩於上前篆書署花溪漁隱四字後有沈夢麟題云游塵野馬日紛紛溪上羣峯紫翠分欲趁漁舟問津去桃花源上

卜靈氣洪武癸酉九月晦日霜晴策杖過宗姪  
缺二隱居索題俚句云華亭沈夢麟右方中又

題句云終日垂竿古渡頭時人誰識舊風流暫

依此處種桃者還憶當年載藥舟對景使人懷

角綺入山容我問巢由得魚沽酒共妻飲一醉

忘機笑狎鷗後署沈良次韻右方上有李紹私

印一印下有半印不可識左方上有蘭亭居士

鑒賞一印軸高三尺七寸五分廣一尺七寸七

分

元王蒙谷口春耕圖一軸

上等  
洪四

素箋本墨畫款題云山中舊是讀書處谷口親  
耕種林田寫向畫圖君貌取只疑黃鶴草堂前  
黃鶴山人王蒙前有周尚題云陰崖積雪樹斑  
斑老童風流足可攀便欲結茅依此地讀書松  
底聽潺潺周尚後有鄭維翰隸書題云井屋迢  
迢隔翠微我將潛跡荷鉏歸自緣不露囊中穎

豈歎人間識者稀烟柳垂垂平野沼風苗翼翼接郊畿却因偶得耕鉏暇石壁叢蘿製作衣鄭維翰下有王禋題云滿眼荆谿入畫圖數椽茅屋倚蒼梧畎田二頃躬耕處坐石看山酒旋沽三山王禋右方下有王氏清玩一印左方下有子孫世昌一印上邊幅董其昌識云癸亥四月十一日晉陵唐君俞持贈元人題此圖有老董風流尚可攀謂吾家北苑也又另行云後二日

吳江道中觀并記其昌右邊幅入記云叔明有  
青并圖與此圖同一筆法其昌軸高三尺八寸  
八分廣一尺一寸六分

元倪瓈溪亭山色一軸

上等  
荒一

宋箋本墨畫款識云至正乙巳閏十月五日寫  
溪亭山色贈瓊野上人淨明菴主懶瓈下有雲  
林連印後有呂敏題云憶過梁溪宅于今向廿  
年賦詩清閟閣試茗惠山泉夜雨牽愁夢春雲

贊遠天鄉情與離思看畫共茫然晉陵呂敏又

夏瑄隸書題云無錫山中數往還興來吮墨寫

秋山圖中寓意知何限說盡襟懷一段閒星沙

夏瑄右方下有浴德中和二印軸高一尺四寸

四分廣七寸二分左方上有

聖祖仁皇帝朱書太平押字一

元倪瓈古木竹石一軸

上等  
荒二

素箋本墨畫款題云盈盈秋水眼波明脉脉遠

山螺翠橫西北風帆江路永片雲不度若為情  
戊申正月十七日瓊右方下有德潤私印蘭臺  
覽省二印軸高一尺四寸六分廣八寸四分

元倪瓈秋樹筠石一軸

上等  
荒二

素箋本墨畫款題云不到荆溪三十秋南津溪  
水亦東流用公住近金鷲嶺魏族猶隣白虎邱  
楓葉爛斑霜落後竹枝蕭瑟渚邊頭歸逢古德  
方厓叟為話談元舊日遊用大機吳人也住宜

興保安寺壬子九月十九日將還山戲寫秋樹  
筠石并詩以贈之且以呈方厓禪伯云東海雲  
林瓊軸高一尺五寸二分廣七寸三分

元盛懋春塘禽樂圖一軸

上等  
日一

素箋本著色畫款署子昭下有茂林修竹一印  
軸高一尺六寸二分廣八寸八分

元曹知白貞松白雪軒圖一軸

上等  
月一

素箋本墨畫篆書款識云至正十二年春正月

雲西子畫貞松白雪軒圖下有素雲西小隱二  
印右方上有張雨題識云至正十二年正月句  
曲張雨與雲林會於貞松白雪軒其地林石奇  
勝牕牖明潔軒中主人挹奇才守冰操款坐劇  
談嘯咏竟日雲西作圖各賦詩以贈境靜塵慮  
清雨餘山光變池塘闊虛閒琴酌申繙緜蔚哉  
春木榮憇我飛翩倦石間有題字苔蝕已難辨  
方外張雨又倪瓈題云境靜塵虛閣深軒牕

幽寂迥無塵雲西晝手堪驚絕為寫雙龍落翠  
陰倪瓊又楊維楨題云雪作寒花滿院開亭亭  
勁質倚天裁曹君用筆能瀟灑獨鶴飛來印綠苔  
鋏遂道人右方下有子京所藏項元汴印京兆  
宇文公諒子貞章諸印軸高三尺九寸五分  
廣一尺五寸五分

元曹知白疎竹亭子一軸

上等  
月二

素箋本墨畫款識云至正四年七月五日寫于

澄江旅次曹知白下有雲西一印右方下有紫  
靈丹房一印左方下有公綏太原王氏收藏書  
畫圖記二印詩塘張雨題云五粒松渣服食稀  
冷冷澗玉寫清暉道人氣味誰能似六月山中  
翠雪飛至正五年夏日向曲道者張雨又倪瓈  
題云地僻林深無過客松門原自不曾關展將  
一幅溪藤滑寫得湖陰數點山滄浪漫士倪瓈  
又錢翼之題云獨坐秋厓見禪松亂枝便已翠

重重山中宰相愛天籟坐向三茆第幾峯錢翼  
之又王蒙題云一箇茆亭千頃月兩株松樹滿  
山秋如今老作江南客水國漁鄉處處留叔明  
王蒙又周翥題云雨沐秋山擁翠瀛白雲高下  
護松蘿何如著我門人住結屋臨溪日詠歌荆  
南周翥又王行題云著屐穿雲破石苔淺林行  
盡路方迴松風似識尋源意為送泉聲出澗來  
太原王行軸高二尺一寸四分廣一尺二寸四

分

元陸廣仙山樓觀一軸

上等  
盈一

素絹本著色畫款識云天厯四年長至寫仙山  
樓觀圖陸廣又幅中古篆四字不可識右方上  
有天籟閣項叔子子孫世昌諸印下有閔于天  
氏圖書宮保世家項子京家珍藏諸印又一印  
漫漶不可識左方上有檇里項氏世家寶玩一  
印下有子京項元汴氏半印二幅中押縫有項

墨林鑑賞章寄傲桃里真賞鼎印諸印詩塘董其昌識云陸天游畫一幅好事者離為二軸王水先得一軸凡十餘年又得其副合之雙美遂若雌雄之劖復聚延津亦奇矣過長水鑑賞永日遂題此以俟觀者董其昌又李楷識云古人作事精神常滿宇宙間翰墨雖細皆有鬼為呵護故分合珪璧皆定理也陸天游之筆久見賞於元宰先生今歸起伯孫氏物各有主吾以信

子瞻之語河濱李楷下邊幅李日華跋云陸天游  
畫品在幼文雲西間以蕭散幽澹為宗若潤幅雄肆之筆絕不易得也王水此幘乃聯素為  
之者先得其左又得其右脗然延津之合也奇甚奇甚竹懶李日華題又查士標跋云陸天游  
畫為元代名家稱北宋後來之冠此幅則倣北苑秀韻沈鬱足與吳仲圭王叔明抗衡余舊藏  
南村高隱圖同一筆法乃不盈二三尺如此巨

軸尤可寶也繡丞黃君購得之余為鑒定並識  
數言查士標軸高四尺三寸廣二尺九寸八分  
左方上

御題詩云羽帔霞裳全羨流虛無指點小淹留我亦  
松間眠白鶴共爾步登雲外樓御題下有稽古  
右文之璽乾隆宸翰二璽

御筆題籤上有乾隆宸翰一璽

明宋克鸞尾清風圖一軸

上等

是

金粟箋本墨畫竹款云宋克為聲外藏主寫下  
有仲溫一印右方上有題句云山人寫竹枝宛  
若鸞鳳尾挂之向禪房四座清風起款署幻叟  
軸高一尺六寸六分廣九寸三分

明商祚秋葵圖一軸

上等一辰

素絹本著色畫款云商祚寫上銓一印漫漶不  
可識軸高四尺二分廣二尺四寸五分

御筆題籜籜上有乾隆宸翰一璽

明沈周疏筭寫生一軸

上等宿一

素箋本墨畫款識云弘治二年冬長洲沈周下  
有啟南石田二印軸高一尺七寸七分廣九寸

三分

明沈周花下睡鶯圖一軸

上等宿二

素箋本著色畫款題云磊落東陽筆下姿風流  
崔白未成詩鶯羣本是王家帖傳過義之又獻  
之石田老迂沈周畫下有沈氏啟南白石翁二

印前有竹莊一印後彭年題云湖風曉雨濕蒼  
青興慶池頭見雪翎五十萬錢原有價笑人輕  
易換黃庭隆池山樵彭年左方下有沈氏受茲  
晚香堂藏二印軸高四尺六分廣一尺九寸七

分

明沈周畫郭索圖一軸

上等宿四

素箋本墨畫款題云漌漌索索還用草縛不敢  
橫行沙水夜落沈周下有石田一印軸高一尺

五寸三分廣九寸六分

明沈周雙鳥在樹圖一軸

上等宿四

素箋本墨畫款題云陸郎無母不懷橘見畫慈  
烏雙淚滴棗林夜寒霜色白有烏哺母方垂翼  
鳴聲啞啞故巢側孝子在下烏在樹觸目觸心  
當不得何須故木世動人陸郎為烏悲所親甲  
子冬十月長洲沈周下有啟南石田二印軸高  
四尺三寸七分廣一尺六寸三分

明沈周畫枇杷一軸

上等宿五

宣德篆本墨畫欵題云有果產西蜀作花凌早  
寒樹繁碧玉葉柯疊黃金丸沈周下有啟南石  
田二印右方下有墨林子一印左方下有陳氏  
子子孫孫永寶之一印軸高一尺五寸一分廣  
一尺四寸六分

明唐寅寫春風第一枝一軸

上等列一

素箋本墨畫欵題云殘冬風雪宿君家燭影橫

杯隔絳紗三載重來論契闊窓前幾夜夢梅花  
正德己巳季冬朔後五日再宿子儋存餘堂中  
時風雪寒甚寫此寄興且索浮休和之唐寅書  
上鉉吳趨一印右方下有唐伯虎六如居士二  
印上方薛章憲題云枳籬竹落野人家蟬翼疏  
疏晃帳紗記取月明清不寐風爐淪茗對疏花  
薛憲章應教補空右方下又儼齋秘玩一印軸  
高三尺七寸四分廣八寸八分

御筆題畫上有乾隆宸翰一璽

明唐寅葑田行犢一軸

上等列二

素箋本墨畫款題云騎犢歸來繞葑田角端輕  
挂漢編年無人解得悠悠意行過松陰懶著鞭  
唐寅畫下有唐伯虎六如居士二印前有吳趨

一印右方中有蒼巖棠村審定二印下有蘿軒  
鑑藏武林翁氏書畫記二印左方上有竹溪秘  
玩一印下有衣園居士子孫寶之二印軸高二

卷二十六  
尺三寸五分廣一尺三寸三分

明仇英水仙蠟梅一軸

上等  
張一

素絹本著色畫款識云明嘉靖丁未仲冬仇英  
實父為墨林製下有十洲仇英實父二印左方  
上有神品連印下有長安項元汴印墨林秘玩  
項子京家珍藏諸印軸高一尺四寸七分廣七  
寸七分

明文徵明倣雲林松石一軸

上等  
寒一

素箋本墨畫欵識云予少習畫每見古人用筆  
自愧不能得其萬一遂閣筆不覺二十餘年矣  
偶展內府畫院所藏雲林真蹟余復倣筆意雖  
未曲盡其妙亦可為知者共鑑耳嘉靖丁巳長  
洲文徵明畫并識下有文徵明印一印軸高二  
尺二寸廣一尺

御筆題籤籤上有乾隆宸翰一璽

明文徵明空林落葉圖一軸

上等  
寒二

素絹本墨畫款題云步入空林中踽踽吟正苦  
時聞落葉聲却訝催詩雨徵明下有文徵明印  
一印軸高一尺七寸二分廣七寸二分

明文徵明古石喬柯圖一軸

上等  
寒三

素箋本墨畫款題云古石埋蒼蘚喬柯舞翠陰  
不教霜雪損自負歲寒心徵明下有文徵明印  
一印軸高一尺五寸廣八寸五分

明文徵明疎林茆屋圖一軸

上等  
寒四

素箋本墨畫款題云佛座香燈竹裏茶新年行  
樂得僧家蕭然人境無車馬次第空門有歲華  
幾日南風消積雪一番春色近梅花坐吟殘照  
歸來緩古木荒烟散晚鴉春初偶同子重過竹  
堂賦此是歲正德甲戌徵明後有徵明衡山二  
印右方下有竹溪秘玩光雲樓圖書二印左方  
上有教忠堂藏衣園居士二印下有道普有明  
文靖世家圖書二印軸高二尺一寸廣一尺七

分

明文徵明歲寒三友圖一軸

上等  
歲五

素箋本墨畫隸書疑云歲寒三友圖徵明下有

文徵明印一印軸高一尺三寸七分廣七寸六

分

明文徵明茂松清泉圖一軸

上等  
歲六

素箋本著色畫欵識云嘉靖壬寅四月廿日徵

明筆下有文徵明印衡山二印軸高二尺七寸

一分廣一尺四寸

明文徵明溪亭客話一軸

上等  
寒七

素箋本淡著色畫款題云綠樹陰陰翠蓋長雨  
餘新水漲迴塘何人得似山中叟對語溪亭五  
月涼徵明下有徵明徵仲父印二印軸高二尺

廣一尺二分

明錢毅松陰趺坐圖一軸

上等  
寒一

素箋本墨畫款署錢毅下有錢叔寶氏一印軸

高一尺六寸七分廣九寸

明陸治雙鳩紅雨圖一軸

上等

暑一

素箋本墨畫款題云夢轉枝頭花正紅是誰啼  
雨損花容行人瞥見春狼籍錯認中山午夜風  
包山陸治後有陸氏叔平包山子二印軸高四  
尺一寸五分廣一尺六寸八分

明項聖謨山水一軸

上等  
往一

素箋本墨畫款題云山不動兮草木振水無息

而原泉清感以天地之精氣斯為造物之恒情  
其惟至人之視聽上寄于聖之聰明下盡庸愚  
賢智德不為異說搖至誠吾友卜懇菴論心二  
十餘年爾我無間且深愛余筆墨歲贈一紙為  
年譜今庚辰以閏正月多欲索一紙以紀歲時  
余因小結草堂筆硯久廢忽易兩朔晦春去稍  
間為之捉管又以勞積倦生懶於題句四月望  
後即為元兒行合巹禮迨泛蒲後雨深大恐濕

氣蒸人殊無佳趣茲既望五日題成四韻以歸

懇菴崇禎十三年夏五之己亥日弟項聖謨記

下有山水之靈橐之五十九世孫二印前有別

有天地神而明之存乎其人二印右方下有號

易菴父大酉項聖謨書畫印二印左方下有惠

棟之印一印軸高二尺六寸四分廣九寸五分

明李紹箕谿山訪隱圖一軸

上等  
秋一

素箋本著色畫欸識云谿山訪隱己丑十月紹

箕寫于茂謙丈澹然齋中下有紹箕之印一印  
軸高三尺七寸五分廣一尺四寸九分

明丁雲鵬東山圖一軸

上等收一

素箋本著色畫款云州民丁雲鵬為徐使君作  
下有丁雲鵬印南羽氏二印前篆書署東山圖  
三字左方下有宋氏輝佳書畫庫記一印軸高  
五尺一寸廣一尺二寸三分

御筆題籤籤上有乾隆宸翰一璽

明董其昌仿倪瓈山陰邱壑圖一軸

上等  
冬一

素箋本墨畫款識云倪元鎮山陰邱壑圖京口

陳氏所藏余曾借觀未及摹成粉本聊以巨然

關山雪霽圖擬為之元宰下有宗伯學士董氏

元宰二印詩塘陳繼儒識云雲林畫三吳之家

以有無為清俗董宗伯墨蹟亦然此圖元宰以

董巨而兼帶雲林真所謂好學柳下惠者也諒

賞鑑家自有巨眼在陳繼儒題軸高三尺廣一

尺四寸一分

明董其昌仿倪瓈筆意一軸

上等  
冬二

素箋本墨畫竝臨原詩三絕句欵識云倪雲林  
畫山水書宋僧詩四絕於上余見之吳門王承  
天守家已忘其一因仿雲林畫錄三首元宰下  
有董其昌一印右方上有筆精墨妙一印下有  
蘿軒審定清白之遺二印左方下有教忠堂藏  
衣園居士子孫寶之三印軸高四尺三寸三分

廣一尺四寸六分

畫軸次等

宋徽宗杏花鸚鵡圖一軸次等  
天一

素綢本著色畫款題竝識云五色鸚鵡來自嶺  
表養之禁籞馴服可愛飛鳴自適往來于苑囿  
間方中春繁杏遍開翔翥其上雅訖容與自有  
一種態度縱目觀之宛勝圖畫因賦是詩焉天  
產乾皋此異禽遐陬來貢九重深體全五色非

凡質惠吐多言更好音飛翥似憐毛羽貴徘徊  
如艶稻粱心絢膺紺趾誠端雅為賦新篇步武  
吟御製御畫并書下有抑字一上鈴御書之寶  
一璽

宋徽宗荔支圖一軸 次等

天二

素箋本著色畫荔枝署宣和御墨四字上鈴一璽  
不可識

宋范寬谿山行旅圖一軸 次等

地一

素絹本墨畫無款詩塘有董其昌書北宋范中立谿山行旅圖十字

宋郭熙峩眉雪霽圖一軸

次等  
元一

素絹本著色畫款署郭熙詩塘

皇帝青宮時題詩云積翠林巒濕未乾迢迢蜀道接長安石門冰雪塵氛淨驢背風霜客路難梵宇凌空知日近翠微開霽倚雲看河陽一幅風流筆三十二峯春正寒寶親王長春居士題下有

寶親王寶長春居士二璽前有隨安堂一璽

宋崔白竹鷗圖一軸

次等  
黃一

素絹本著色畫款署崔白

元趙雍秋原駿馬圖一軸

次等  
字一

素絹本著色畫未署款右方上有趙氏仲穆一

印

元王蒙丹臺春曉圖一軸

次等  
雷一

素箋本墨畫篆書款識云至正十有四年五月

吳興王叔明為子安作右方上署丹臺春曉四  
字右邊幅有董其昌跋一

元王蒙松壑樓居圖一軸

次等  
宙二

素箋本淡著色畫篆書款云松鶴樓居黃鶴山  
樵王叔明畫

元吳鎮雙松圖一軸

次等  
洪一

素絹本墨畫款識云泰定五年春二月清明節

為雷所尊師作吳鎮

明邊景昭百喜圖一軸

次等  
荒一

素絹本著色畫乾鵲款識云宣德丁未孟秋隴

西邊景昭寫

明倪端山水一軸

次等  
日一

素絹本著色畫款署楚江倪端

明沈周仙桃圖一軸

次等  
月一

素絹本著色畫款題云一開還一結千歲只尋  
常留得山翁在何妨三度賞沈周為遺齋贈詩

塘有文徵明題句一

明呂紀蘆汀來雁圖一軸

次等  
盈一

素絹本墨畫欸署呂紀

明呂紀秋鶩芙蓉圖一軸

次等  
盈二

素絹本著色畫欸署呂紀

明袁靖邱溪山小景一軸

次等  
是一

素箋本墨畫未署欸有靖邱袁子一印

無名氏

畫軸上等

宋人松陰訪隱圖一軸

上等  
天一

素箋本墨畫右方上有紹興一璽下有明安國印參政之章二印左方下有項子京家珍藏水東金李穉仙父桐孫堂家藏書畫之印二印軸高一尺四寸廣七寸九分

元人仿米氏雲山一軸

上等  
天一

素箋本墨畫右方下有定國文敏一印左方下

有易菴圖書王長安父二印軸高一尺七寸六

分廣一尺一寸

附刻絲畫軸上等

山水一軸

上等  
天一

宋本五色織左方中織子蕃製三字下一印不可識右方下有劉延之印一印軸高二尺九寸六分廣一尺一寸七分

羣仙慶壽圖一軸

上等  
地一

國朝製五色織軸高四尺九寸五分廣三尺九寸

仙姝獻瑞圖一軸

上等元一

國朝製五色織軸高廣俱同前

附繡線畫軸上等

丹鳳朝陽圖一軸

上等天一

國朝製五色繡軸高六尺二寸六分廣三尺一寸六分

畫軸次等

唐人文會圖一軸

次等  
天一

素絹本著色畫

宋人折檻圖一軸

次等  
地一

素絹本著色畫左方上

御書舊作云玉繩低鶴禁朱鳥煥螭坳鸞扇非烟散  
鴛班委珮敲佞臣方唯唯直士獨嚙嚙自具松  
筠操難容涇渭清櫻龍鱗豈怯折鹿角曾搨奚

用檻重輯還同罟不拋納忠餘宿將介節歎征  
茅企想都俞世盈庭喜泰交後識云賦得折檻  
旌直臣舊作乃試翰詹諸臣題也甲子仲春偶  
閱內府書畫及此圖輒書於左下有乾隆宸翰  
幾暇臨池二璽

宋人畫鷹一軸

次等  
元一

素絹本著色畫上方有莫士安蔡祐鄒奕蒲若

水楊泉諸題句

宋人貨郎圖一軸

次等  
黃一

素絹本著色畫

宋人寒汀蘆雁圖一軸

次等  
宇一

素絹本著色畫

宋人溪山初雪圖一軸

次等  
雷一

素絹本著色畫

元人花鳥一軸

次等  
洪一

素絹本著色畫

元人射雁圖一軸

次荒等

素絹本著色畫

明人畫望海樓一軸

次日等

素絹本著色畫



石渠寶笈卷二十六